

Kan vawkpui te an hrisel chuan vawkte hrisel tha kan thar chhuak ngei ang. Vawkpui chi tha atana thlan tur chi (breed) te chu:

- 1) Large White Yorkshire (Vawk var chi)
- 2) Landrace (Vawk var chi, a beng khup)
- 3) Hampshire (A zak rang)

Heng chi thum te hi a pui atan chi tha an ni a, a pure-a kan neih theih loh pawhin an chi rawngkai, la dal em em lo si lo (cross-bred) te hi ni thei se duhthusam a ni.

Vawkpui thlan dawna hriat tur pawimawhte:

- a) An thlahtute atang renga chi tha ni thei se. An history chhui uar tur a ni.
- b) Hnutehmur 12 aia tlem lo nei thei se
- c) Vawk mawngping emaw dula ril tla ang chi te hi thlan loh tur.
- d) Ke lam chak lo chu thlan loh tur.
- e) An taksa ruangan chu a ngil tur a ni.
- f) Thla 2 an tlinin kg 10 tal ni thei se, duhthusam a ni.
- g) Vawk mittel emaw natna nei mek te chu thlan miah loh tur, a hrisel sa an ni ngei tur a ni.

Vawkpui rai hun chung chhut dan:

Number 333 hi chhut awlsam nan hriat reng tur, hemi awmzia chu thla 3+kar 3+ ni 3 tihna mai a ni. A pumpuiin a ni 114 naah vawkin no an nei tlangpui thin.

Vawkpui hur hun hriat dan

Vawk hi thla 6-8 an nihin an hun tan theia, an hur a ni tih hriat dan te:

- 1) An phi chengin an nguk vak vak thin.
- 2) An chil phuan te a tla buah buah a, an zahmawhah tui hnang fim te a chhuak thin.
- 3) An serh te chu a lo vunga, serh biang te chu a lo tai sen tak thin.
- 4) Chaw pawh an eitlem deuh thina.

5) An ngum chung velah han chulin han nem vang vang ila, an dawh char char a, an kal sawn mang lo a ni. Hetianga awm chu an hur tha tihna.

Pawltir / Kah rai chungchang:

Vawk pa pawl tir hun hi zinglam hi nise duhthusam a ni. Vawk hur atanga ni 1-2 naah a pa pek hi a pawilo. Chutiangan a kah rai pawh ni 2-3 hnuah a soal lo. A hur vanglai hian a chi chhuak a tam kher lo. A hur tawp lam zawk hian a nu chi chhuak a tam zawk a ni.

Vawk rai a ni tih hriat dan:

- 1) Vawk rai hun hriat dan awlsam ber chu pawltir an nih atangan a ni 21 naah a hur nawn tawh lo.
- 2) Vawk rai chuan a hma aiin chaw an heh a, an mamawh pawh a sang chho tulh tulh a ni.
- 3) Pawltir atanga ni 30-45 naah ultrasound hmangan a hriat theih a ni. Dobbler ultrasound en hi chuan a chiang nge nge.
- 4) An rai chiang a ni tih hriat dan chu an zun exam hian a ni. BaCl₂ test hi a hman theih.

Vawkpui no neih hmaa enkawl dan tur:

- a) Vawkpuiin no a neih hma kar 2 velah rulhuthlo pek theih a ni. Tin a no neih hma karah phar bualna nen a taksa lo tihfai lawk a tha.
- b) Vawkpui hi no an neih dawn ni 2 vel atang hian chaw pek tlem tan tawh tur a ni a, tui erawh chu atam thei ang ber pek tur. An chaw pek chhun erawh quality tha tak mai ni se.
- c) No neih ni phei chuan chaw pek loh a tha, chaw an lo ei puar hian an taksa a ritin, an pumpuii alo puar bawk nen, an chhul kawngka a hnawh zim thei. Hei hian no neih a tih harsat phah thei.
- d) Glucose tui, kurtai tui lamte pek a tha a.
- e) Vawkpui no neih hma hian a neih na tur in chu tuisenin lo tihfai lawk vek tur a ni, a no dahna tur pawh a rovin a lum ham ham tur. (32-35°C)

f) Heng tuilum, dettol, iodine, bakcheh, la, glucose, hrukpuan, bulb khai tur etc te hi lo in rin lawk vek tur a ni.

g) Vawk note dah hranna (creep areas) tur thlengin lo in rinlawk a tha.

Vawkpui no neih hun hi a pawimawh:

- Vawkpuiin no an neih dawnin bu emaw siam tumin an za cheng thina. Chaw an heh zual bika, an hnute bu pawh a tangin hnute tui pawh a chhuak fo thin.

- An serh a lo vungin, bawlhhlawh te a chhuak thin. An neih dawn niah, an chau zuala, an bawkkhup emaw a sir zawngin an mu a, an sang char char a, an thawk pawh a rang fu thei.

- An serh atangan tui bawm (water bag) a rawn buak hawk hi chuan an nei nghal deuh mai thin.

- Tui bawm a buak hnua no a neih mai loh chuan vawkpui chhul kawngkaah a no tan vang a ni thei a, kut sahbawn a silfai leh tihnal hmanga zen chhuah sak a tul thin.

- Darkar 6 vawkpuiin a san hnuah a lo neih si loh chuan mithiam te rawn a tha.

- Vawkte hi vawkpui chhulkawngka a tan avangin a chhuak mai thei thin lova. Heng hi vawkpui note vawi 1 neih naah a tam duha, vawkpui kumkuruh te lutuk, a pawl tu pa lian lutuk avang te pawhin a awm thei.

- Hetiang tan chuan darkar 12 hnuah kut sahbawn fai taka tih nala, zena enchian tur a ni. Thuk tak, kuta khawih phak loha a tan chuan vety doctor rawnin damdawi pek an ngai thin.

- A tlangpuiin zan reh tawh lamah hian no hi a nei duha, chhuna a lo nei har deuh a ni pawhin zanlamah chuan a nei duh tlangpui a ni.

Vawk no neih ni chuan.

- Vawk no neih ni hian vawkte pianghlim te chu hnute hnek tir vat tur. A nu hnute hmur an tawh hian hormone chikhat “Oxytocin” a ti chhuak a, hei hian a chhul san zelna turin chakna pe in, hnute haw zelna tura thil tangkai a ni.

- Vawkpui chuan san a pek vak loh phei chuan nem thawha, tei kual ve hlek hlek se, glucose tui, artui hel, kurtai tui te han pek te hi a tha.

- A no neih laia a enkawl tu nilovin an lo buaipui hian an san a ti tim ve thei, a enkawltu ngei hian vil chawt se, a hnute bawr zut sak tur a ni a. Tuilumin a kap bawr vel han zut te hian nuam an ti ve thin. A serh atanga bawlhhlawh chhuak kha lo tihfai thin tur, tho a ko duh avangin.

- A hlam tla hi vawkpui ei tir loh tur. Tin, a serh atanga chhuak lai te hi pawh chum loh tur, amaha tlak tir tur a ni, a sei deuh a nih pawhin chhuata hnuk lo tura bakcheh thianghlima tan theih a ni.

- A rai atanga ni 120-naah no neih ala tum loh chuan Pregma injection-a vei luih tir mai a tul.

Vawkpui no chawm lai:

- Vawkpuiin chaw tha, vitamins leh tui tam tak an eiin an in tur a ni. Ascal/Procalvet te hi lo pek uar a tha.

- Kar 3-4 thleng chuan calcium pek a tha a, a bak chu an hnute tui kiam lam a pan thin avangin a ngai tawh meuh lo.

- Vawkpui awmna bik hi a lum lutuk tur a ni lova. Khawlum lai phei chuan tui vawta theh huh zauh zauh tur. Vawk note man hran an nih hnuah hian a pui chu rulhut hlo pek vat tur. (Albendazole@10mg/kg body weight). Chuan vitamin/minerals tamna te pe in, chhul chakna han pek tel bawh hian an hur hma thei a, tin an chi a chhuak tha thin. Tichuan kumkhatah tum hnih lai no a nei hman anga, vawkpui vulh a hlawk bawh ang.

- Vawknote chu a nu bulah emaw an thawm inhriat tawn phak renga an awm chuan a pui hi a hur leh vat

thei lo thina, chuvangin hmun dang daiha dah hran vang vang a tha.

Hriat ve atan:

- Vawkpui no neih dan pangaia nei chu chhul thuah kher a ngai lova, zen sake maw bawlhhlawh chhuak te chu chhul thuah a tul ve thin.

- No neih zawh hlima chhul hliam/natna an neih hian an kawlh ve thina, melonex injection/bolus lo pek a tha.

- Vawkpui chhul atanga bawlhhlawh a chuah fo chuan tuisena tihfai uar a tha, a nih loh chuan tho a kova, a serh biang a lung duh fo.



VAWKPUI ENKAWL DAN

(MANAGEMENT OF SOW)



DAMDAMI HMAN TLANGLAWN TE

Sl. No	Natna/ hman na tur	Damdami hming
1	A serh lung natna	Maggocite
2	Hnute tui tamna	Ascal, Procal vet, Biobloom, calme-D
3	Minerals/Vitamins supplements	Agromix, Calmin powder
3	No nei har/sang chhuak thei lo (ni 120 chinah)	Pragma injection
4	Vawk chhul chakna	Uteretone, utrifit, uteropower
5	Vawk hur chakna	Prajana
6	Rulhut hlo	Albendazole
7	Tuisen	Potassium permanganate
8	Phar damdawi	Butox, Dermeez
9	Nachhawkna	Melonex
10	Chhul thuahna	Furex bolus

Prepared By:

Dr. C. Lalremruata
Subject Matter Specialist
(Animal Science)

Published by:

KRISHI VIGYAN KENDRA
KVK SERCHHIP DISTRICT
NORTH VANLAIPHAI